



Krizni štab Ministarstva zdravstva Zeničko-dobojskog kantona
za praćenje novog corona virusa

Krizni štab Ministarstva zdravstva Zeničko-dobojskog kantona za praćenje novog corona virusa, u skladu sa članom 6. stav 5. Pravilnika o organizaciji i načinu rada kriznog štaba Federalnog ministarstva zdravstva ("Sl. novine FBiH", broj: 10/12), člana 14. Poslovnika o radu kriznog štaba Ministarstva zdravstva Zeničko-dobojskog kantona broj: 11-33-1335-19/20 od 11.03.2020. godine i tačkom 35. Naredbe Kriznog štaba Federalnog ministarstva zdravstva broj: 01-33-4000/20 od 07.07.2020. godine, na sjednici održanoj dana 22.07.2020. godine, donosi:

NAREDBU

1. Nalaže se svim higijensko-epidemiološkim službama domova zdravlja na području Kantona (u daljem tekstu: HES), da svakog radnog dana do 12⁰⁰ sati, svim općinskim sanitarnim inspektorima, obavezno putem službenog e-mail, prijave zaraznu bolest COVID-19, u skladu sa članom 10. stav (2) Pravilnika o načinu prijavljivanja zaraznih bolesti ("Sl. novine FBiH", broj: 101/12).
2. Za lica kod kojih je utvrđena zarazna bolest COVID-19 po prijavi bolesti iz tačke 1. ove Naredbe, nadležni sanitarni inspektor obavezan je donijeti rješenje o izolaciji u kućnim uslovima, u skladu sa tačkom 2. „Liječenje i izolacija u kućnim uslovima“, Smjernica za postupanje sa pacijentima pozitivnim na COVID-19 i osobama iz kontakta.
3. Nalaže se svim HES iz tačke 1. ove Naredbe, da ukoliko određena općina/grad nema popunjeno radno mjesto sanitarnog inspektora, ili je isti u određenom periodu odsutan (npr. korištenje godišnjeg odmora i dr.) da prijavu zarazne bolesti iz tačke 1. ove Naredbe, obavezno putem službenog e-mail, dostave kantonalnoj sanitarnoj inspekciji.
4. Nalaže se svim općinskim/kantonalnim sanitarnim inspektorima, da podatke iz tačke 1. ove Naredbe, istog dana unesu u elektronsku bazu podataka Ministarstva unutrašnjih poslova Zeničko-dobojskog kantona (u daljem tekstu: Ministarstvo unutrašnjih poslova), odnosno nadležne policijske uprave/policijske stanice, odmah po prijemu podataka od HES.
5. Nalaže se HES iz tačke 1. ove Naredbe, da u što kraćem roku pribave e-mail adrese, sanitarnih općinskih inspektora i kantonalnih sanitarnih inspektora.
6. Nalaže se Ministarstvu unutrašnjih poslova, da modificira postojeću elektronsku bazu podataka i aplikaciju za evidenciju izoliranih osoba, obezbjedi lokacije u nadležnim policijskim stanicama za unos u istu na kojima se nalazi računar za pristup u aplikaciju, kreira uputstvo za korištenje aplikacije i isto distribuira korisnicima (općinskim/kantonalnim sanitarnim inspektorima) i provede edukaciju općinskih/kantonalnih sanitarnih inspektora, vezanu za unos podataka u elektronsku bazu podataka.


Rok za izvršenje navedenog je početak primjene ove Naredbe.

7. Nalaže se svim općinskim/kantonalnim sanitarnim inspektorima da obavezno prisustvuju edukaciji iz tačke 6. ove Naredbe.
8. Nalaže se Ministarstvu unutrašnjih poslova, da putem policijskih službenika, svakodnevno vrši kontrolu poštivanja rješenja od strane lica koja su rješenjima općinskih/kantonalnih sanitarnih inspektora, stavljena u izolaciju u kućnim uslovima, sve dok navedena mjera traje.

Nalaže se Ministarstvu unutrašnjih poslova, da o svakom nepoštivanju izolacije u kućnim uvjetima, bez odlaganja obavijesti nadležne općinske/kantonalne sanitarne inspektore i poduzme mjere u skladu sa Zakonom o krivičnom postupku, a u vezi sa članom 226. Krivičnog zakona FBiH.

9. Nalaže se nadležnim općinskim/kantonalnim sanitarnim inspektorima, da po zaprimanju obavijesti Ministarstva unutrašnjih poslova iz tačke 8. ove Naredbe, prema licima koja ne poštuju izolaciju u kućnim uslovima, poduzmu mjere i radnje u skladu sa Zakonom o zaštiti stanovništva od zaraznih bolesti, u cilju sprječavanja širenja zarazne boleti COVID-19.
10. Naredba se donosi sa rokom važenja od 60 dana, računajući od dana početka primjene ove Naredbe.
11. Zadužuje se Krizni štab Ministarstva zdravstva, da nakon isteka roka iz tačke 10. ove Naredbe, sagleda kompletnu epidemiološku situaciju COVID-19 u Zeničko-dobojskom kantonu i sačini procjenu rizika, a radi razmatranja mogućnosti i potrebe izmjene mjera utvrđenih ovom Naredbom, te nakon toga novom Naredbom odluči o mjerama koje se poduzimaju i u kojem roku.
12. Naredba stupa na snagu danom donošenja, a primjenjivat će se počev od 01.08.2020. godine.

Broj: 11-33-1335-103/20
Zenica, 24.07.2020. godine



Predsjednik Kriznog štaba
Ministar zdravstva

dr Adnan Jupić